



## Publicaziuns dalla vischnaunca, jamna 20

### Lubientscha da baghegiar

L'istanza da baghegiar ha concediu suandonta lubientscha da baghegiar:

**2013-1018.000**

Robert Casanova-Flepp, Via Clis 6, 7180 Disentis/ Mustér; construcziun d'ina casetta da curtgin, parcella 1446, Via Clis 6, 7180 Disentis/Mustér.

Disentis/Mustér, ils 14-5-2013

*Uffeci da baghegiar Disentis/Mustér*

---

### Administraziun communal

*Gliendisdis Tschuncheismas, ils 20 da matg 2013 resta l'administraziun communal serrada igl entir di.*

*Administraziun communal Disentis/Mustér*

---

### Via Cavorgia

Muort lavurs da construcziun vid la via d'uaul da Cavorgia (remplazzament dalla punt dil Rein a Cavorgia) vegn la via serrada naven *dils 29 d'avrel tochen ils 31 da matg 2013* per tut traffic, pia era per pedunzs. Quei naven dalla cruschada a Valzeinza entochen tiels mises ellas Cavorgias.

In sviament pil traffic ei pusseivels sur Sedrun–Cavorgia. Nus supplichein da prender enconuschientscha da quest avis per buca impedir las lavurs da construcziun.

Bien engraziament per la capientscha.

*Uffeci forestal Disentis/Mustér*

---

### Unterbruch infolge Kabelumlegungen Information

Infolge Unterhaltsarbeiten und damit verbundene Kabelumlegungen bei der Rhätischen Bahn in Illanz muss auch die KnS-Kabelnetz-zuleitung ausser Betrieb genommen bzw. umgelegt werden.

*Nacht, 30.5.2013, von 0.30–6.30 Uhr.*

Damit sind ab Schnaus/Strada bis Rueras während dieser Zeit Radio, Fernseh, Telefonie und Internet via KnS-Netz unterbrochen. Danke fürs Verständnis.

KnS, Bahnhofstrasse 2, 7130 Illanz. Tel. 081 926 27 28, e-mail: [kns@kns.ch](mailto:kns@kns.ch), [www.kns.ch](http://www.kns.ch)



### **Apparats d'udida**

Gliendisdis, ils 27 da matg 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalislaus:

a Mustér naven dallas 14.00 tochen ca. las 15.15,  
a Curaglia naven dallas 15.30 tochen ca. las 16.30.

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit  
*Center da sanadad Sursassiala SA*

---

### **Preavis – Center da sport e cultura Mustér**

*Sonda, ils 24 d'uost 2013*

Fiasta da reavertura piazza da ballapei sco era di dallas portas aviartas.

Informaziuns dil program suondan pli tard.

---

### **Societad da musica Disentis/Mustér Concert primavaun 2013**

La Societad da musica Disentis/Mustér envida cordialmein al concert primavaun 2013

**Cu:** sonda, ils 18 da matg e dumengia, ils 19 da matg 2013  
**Nua:** halla Cons, Mustér  
**Cu:** mintgamai allas 20.00  
**Direcziun:** Gaudenz Cathomen e Martin Bass

La sonda porscha la Societad da musica Disentis/ Mustér ina stiva da caffè per in e scadin suenter il concert. Entrada libra, collecta.

Ei fa plascher d'astgar beneventar Vus la fin d'jamna a nies concert.

---

### **Uniun da dunnas Mustér Mummas cun affons pigns Mustér**

*Suentermiezdi a Curaglia*

En cumpignia lein passentar in suentermiezdi a Curaglia. Ei vegn barsau servelas e zambergiau ina surpresa. Tut las mummas cun lur affons ein cordialmein envidadas.

**Cu:** mesjamna, ils 22 da matg 2013  
**Rimnada:** sin la piazza da giug a Curaglia  
**Uras:** 14.00

Voss'annunzia pren Susanne Strupler bugen encunter entochen ils 20 da matg 2013,  
tel. 081 936 43 14.

Sin vossa participaziun selegran  
*Mummas cun affons pigns Mustér*



**Beach sport Plaun Petschen, Cumpadials**

Informaziuns ballareit sil sablun mira sut Sumvitg.